



Pou Piblikasyon Imedya: 06/10/2023

GOUVÈNÈ KATHY HOCHUL

**PANDAN MWA SANSIBILIZASYON SOU SIBÈSEKIRITE A, GOUVÈNÈ HOCHUL  
METE AKSAN SOU RESOUS KI ENPÒTAN POU EDE TI BIZNIS YO AK TOUT  
NOUYOKÈ YO RETE AN SEKIRITE**

*Gouvènè Hochul pibliye pwoklamasyon ki deziyen oktòb kòm mwa  
sansibilizasyon sou sibèsekirite; Li pwoklamasyon an isit la*

*20yèm sansibilizasyon anyèl sou sibèsekirite a mete aksan sou aspè kle yo pou  
rete an sekirite sou entènèt*

Gouvènè Kathy Hochul [te pibliye yon pwoklamasyon](#) ki deziyen oktòb kòm Mwa Sansibilizasyon sou Sibèsekirite. Ane sa a make 20yèm anivèsè evènman an nan kad yon efò pou angaje ak edike publik la sou sibèsekirite epi bay zouti ak lòt resous pou ede tout Nouyòkè yo fonksyone sou entènèt an sekirite. Pwoklamasyon sa a vin apre anons Gouvènè Hochul fè sou [premye estrateji konplè sou sibèsekirite nan tout eta a](#), ki dekri yon apwòch pou pwoteje resous dijital yo nan angaje pati konsène publik ak prive yo epi defann vi prive ak sekirite rezidan nou yo.

"Pandan ven ane, pwoklamasyon Mwa Sansibilizasyon sou Sibèsekirite Eta New York la te ede sansibilize sou sekirite dijital epi edike Nouyòkè yo sou mezi yo dwe pran pou pwoteje tèt yo sou entènèt", **Gouvènè Hochul te deklare**. "Atravè deziyasyon sa a, n ap pote limyè klere sou nesesite pou sitwayen nou yo ak biznis nou yo dwe vijilan devan menas sibènetik yo ki vin pi plis ak pi sofistike. Lè nou etabli premye estrateji konplè sou sibèsekirite nan tout eta a, administrasyon mwen an rete angaje pou kreye yon defans fòmidab nan tout eta a kont menas sibènetik ak pwoteje sèvis enpòtan rezidan, biznis ak gouvènman lokal nou yo konte sou yo chak jou".

Mwa Sansibilizasyon sou Sibèsekirite ane sa a pral konsantre sou kat konpòtman kle:

- Aktive otantifikasiyon milti-faktè;
- Itilize fraz sekrè ki solid;
- Mete ajou lojisyèl; epi,
- Rekonèt ak rapòte phishing.

**Ofisyen Sibènetik an Chèf Eta New York, Colin Ahern, te deklare**, "Pandan 20yèm anivèsè Mwa Sansibilizasyon sou Sibèsekirite a, Eta New York angaje plis ke

jamè pou l pwoteje peyizaj dijital nou an. Estrateji sibèsekirite nasyonal Gouvènè a mete aksan sou fason nan mond ki konekte nou an tout moun jwe yon wòl enpòtan nan defann kont menas sibènetik. Ansanm, n ap kontinye bati yon New York dijital fleksib pou jenerasyon k ap vini yo".

**Komisè Divizyon Sekirite Teritwa ak Sèvis pou Ijans (Division of Homeland Security and Emergency Services) Eta New York la, Jackie Bray, te deklare,** "Nan mond modèn lan, li enpòtan pou nou rete vijilan kont kriminèl sibènetik yo ki menase enfòmasyon pèsonèl ak sekirite nou. Mwa Sansibilizasyon sou Sekirite Sibènetik sa a, Nouyòkè yo ta dwe pran tan pou pwoteje tèt yo kont atak sibènetik yo. Pran mezi senp pou kenbe tèt ou ak enfòmasyon ou an sekirite. Sonje -- reflechi anvan ou klike, sèvi ak fraz sekrè solid, kenbe lojisyèl antivirus ou a ajou epi aktive otantifikasiyon milti-faktè".

Sibèsekirite esansyèl pou tout òganizasyon, men li ka difisil pou pi piti biznis ki pa gen anplwaye oswa resous dedye. An patenarya avèk Global Cyber Alliance (GCA), Depatman Sèvis Finanssyé (Department of Financial Services, DFS) Eta bay yon bwat zouti pou sekirite sibè gratis pou ti biznis yo pou yo ka pwoteje tèt yo ak kliyan yo kont menas sibè k ap grandi yo. Bwat zouti sibèsekirite a gen ladan idantifikasiyon materèl ak lojisyèl, mete ajou defans kont menas sekirite sibènetik yo, ranfòse fraz sekrè, aktive otantifikasiyon milti-faktè, sovgade ak rekiperé done, ak pwoteje sistèm imèl yo. Ou ka jwenn [bwat zouti](#) sibèsekirite ki gratis la pou ti biznis yo ak echantiyon règleman sou sibèsekirite ke DFS devlope yo sou [sit entènèt DFS la](#).

**Sirentandan Sèvis Finansye Eta New York la, Adrienne A. Harris, te deklare,** "Sibèsekirite enpòtan anpil pou pwoteje enfrastrikti ki pi enpòtan nan peyi nou an. Depatman Sèvis Finansye (Department of Financial Services, DFS) a etabli epi kenbe referans nasyonal estanda sibèsekirite yo ak garanti nan sèvis finansye yo pou pwoteje biznis ak konsomatè yo kont kriminèl sibènetik ki de pli zan pli sofistike".

**Direktè Enfòmasyon Biwo Sèvis Teknoloji Enfòmasyon Eta New York la, Dru Rai, te deklare,** "Anplwaye Biwo Sèvis Teknoloji Enfòmasyon (Information Technology Services, ITS) Eta New York yo travay chak jou pou pwoteje enfrastrikti dijital Eta New York, sekirize done nou yo epi edike Nouyòkè yo sou danje ki kache nan bwat imèl ak sit entènèt malveyan yo. Pandan n ap rekonèt Mwa Sibèsekirite a yon lòt fwa ankò nan Eta New York, nou ankouraje tout Nouyòkè yo pran mezi ki nesesè pou pwoteje tèt yo, fanmi yo ak byen pèsonèl yo. Mwen felisite Gouvènè Hochul paske li mete aksan sou inisyativ enpòtan sa a epi paske li fè sibèsekirite tounen yon priyorite".

**Ofisyen An Chèf pou Sekirite Enfòmasyon yo nan Eta New York, Chris DeSain, te deklare,** "Lè sa gen pou wè ak pwoteje tèt ou oswa moun ki bò kote w kont atak sibènetik nou konnen ke enfòmasyon se pouvwa. Se poutèt sa li enpòtan pou nou fèsansibilizasyon non sèlman sou gravite menas la, men tou, etap ki senp ke nenpòt moun ka pran pou rann espas dijital yo pi an sekirite. Kit ou se yon anplwaye publik, ki opere yon biznis oswa ou se youn nan plizyè milyon Nouyòkè k ap travay di atravè eta nou an, nou bezwen pou w se yon sòlda sibènetik epi pou w rejwenn nouu nan batay sa a".

Biwo Sèvis Teknoloji Enfòmasyon (ITS) Eta New York la ap kowòdone tou [yon konkou afich sou sibèsekirite nan tout eta a](#) pou timoun nan klas matènèl jiska 12yèm ane, yon opòtinite ki rive alè pou pwofesè lekòl yo pou konsantre sou kenbe timoun yo an sekirite sou entènèt nan yon fason amizan ak enfòmatif. Dat limit soumisyon yo se 15 desanm 2023. Eta New York pral prezante gayan yo sou sit entènèt ITS la epi antre nan konkou nasyonal la ke Sant Analiz ak Pataj Enfòmasyon Plizyè Eta (Multi-State Information Sharing and Analysis Center, MS-ISAC) a esponnsorize. Anplis de sa, ajans lan bay resous gratis pou piblik la, ki gen ladan [Bwat Zouti Sansibilizasyon sou Sibèsekirite](#), ki gen ladan afich, kalandriye, bwochi ak lòt kontni sou tèm sibèsekirite ke yo ka telechaje ak pataje pou ede ankouraje ak ranfòse tèm sibènetik yo nan yon fason ki pratik, enfòmatif, amizan, ak itilizab.

Pou plis enfòmasyon, ale sou [sitwèb Gouvènè Hochul sou sibèsekirite a](#) nan Eta New York, [sitwèb Biwo Chèf Sekirite Enfòmasyon ITS la](#), ak swiv ajans lan sou [X, ansyen Twitter, Facebook](#) ak [Instagram](#) (#NYSCyber).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418